

Na osnovu člana 16.stav 4. Zakona o Vladi Zeničko-dobojskog kantona - Prečišćeni tekst («Službene novine Zeničko-dobojskog kantona», broj 7/10), na prijedlog Ministarstva za prostorno uređenje, promet i komunikacije i zaštitu okoline, Vlada Zeničko-dobojskog kantona, na 64.sjednici, održanoj 24.05.2012. godine, d o n o s i

## **ZAKLJUČAK**

### **I.**

Daje se saglasnost Ministarstvu za prostorno uređenje, promet i komunikacije i zaštitu okoline da potpiše sporazum o ustupanju na korištenje mobilne stanice za mjerenje koncentracija zagađujućih materija i meteoroloških parametara sa Metalurškim institutom „Kemal Kapetanović“.

### **II.**

Zaključak stupa na snagu danom donošenja.

Broj: 02-\_\_\_\_\_/12.  
Datum, 24.05.2012. godine  
Zenica

**PREMIJER**

*mr.sci. Fikret Plevljak, dipl.ing.*

DOSTAVLJENO:

1x Ministarstvo za prostorno uređenje, promet i komunikacije i zaštitu okoline  
1x Metalurški Institut „Kemal Kapetanović“, putem resornog ministarstva,  
1x a/a.

## **S P O R A Z U M**

Sačinjen dana 15.05. 2012.godine u Zenici između:

1. Ministarstvo za prostorno uređenje, promet i komunikacije i zaštitu okoline Zeničko-dobojskog kantona, Kučukovići br.2. Zenica ( u daljem tekstu: Vlasnik) kojeg zastupa Raif Seferović, ministar
2. Univerzitet u Zenici, Metalurški institut „Kemal Kapetanović“( u daljem tekstu: Korisnik), kojeg zastupa Milan Rimac, direktor

Predmet Sporazuma

**Ustupanje na korištenje mobilne stanice za mjerenje koncentracije zagađujućih materija i meteoroloških parametara.**

Ovim Sporazumom se utvrđuje sljedeće:

### **Član 1.**

Vlasnik ustupa Korisniku mobilnu stanicu u cilju kompletiranja podataka sa postojećim stacionarnim stanicama i mobilnom stanicom Univerziteta u Zenici te jedinstvenog izvještavanja o kvalitetu zraka na području Zeničko-dobojskog kantona.

### **Član2.**

Vlasnik se obavezuje da će kombi vozilo, u kojem se nalaze analizatori za mjerenje koncentracija zagađujućih materija: PM10: PM2,5: PM1, CO, NO, NO2, NOx, O3, SO2, BTEX i H2S kao i meteorološki parametri: barometarski pritisak, temperatura, vlažnost, sunčevo zračenje, brzina i smjer vjetera sa pripadajućom opremom kao što je. uređej za grijanje/hlađenje, generator plina, kalibraciona jedinica, računar koji se koristi kao server i na kojem je instaliran softver za obradu podataka i izradu izvještaja i ostala oprema sa uputstvom za rukovanje i održavanje, predati Korisniku u potpuno ispravnom stanju.

### **Član 3.**

Predstavnik Vlasnika će zajedno sa predstavnikom Korisnika nakon pregleda kompletne opreme sačiniti zapisnik o primopredaji vozila i opreme iz člana 2. ovog sporazuma.

### **Član 4.**

Korisnik se obavezuje da će nakon preuzimanja na korištenje kompletne opreme odrediti 5 (pet) izvršilaca koji će po preuzimanju opreme biti zaduženi za montažu i demontažu opreme te za održavanje softverskog sistema, vršenje mjerenja koncentracija zagađujućih materija, obradu podataka i izvještavanje.

#### **Član 5.**

Korisnik se obavezuje da će mjerenja koncentracija zagađujućih materija i meteoroloških parametara vršiti prema programu mjerenja koji mora biti usaglašen sa zahtjevima Vlasnika.

#### **Član 6.**

Vlasnik se obavezuje da će redovno vršiti registraciju kombi vozila koja ističe u drugoj polovini decembra.

#### **Član 7.**

Korisnik se obavezuje da će vršiti redovno tekuće i investiciono održavanje te kalibrisanje i kontrolu ispravnosti instalirane opreme.

#### **Član 8.**

Vlasnik se obavezuje da će za radnje iz prethodnog člana te edukaciju kadrova iz člana 4.ovog sporazuma obezbjediti potrebna finansijska sredstva za 2012.godinu.

#### **Član 9.**

Sporazum o ustupanju na korištenje mobilne stanice za mjerenje koncentracija zagađujućih materija i meteoroloških parametara primjenjivaće se od dana potpisivanja, a zaključuje se sa rokom važenja od 3 (tri). godine.

Za Metalurški Institut  
„Kemal Kapetanović“

-----  
Milan Rimac, direktor

Za Zeničko-dobojski kanton  
Ministarstvo za prostorno uređenje,  
Promet i komunikacije i zaštitu okoline

-----  
mr.sci. Raif Seferović, ministar

Broj: 12-23- /12  
Zenica, 15.05.2012.godine